

Dzeń tōbaczi

Mówią, co chto nie tabaczi
Colemało mało znaczi
Taczi rzeklan, pôrã słowów
Draszowanié robi głowów...
To je bòdôj diôblé zelé
Co je nawetkã w kòscele
Mòże wcëgac w nosé dzurë
Nicht jagòwac nie mdze z górë...
A pòmôgô, czej ni mòżesz
Zrobic z białką, co sã słëchô
Ju na ciebie sã nie gòrzi
A jesz barzi chłopa kòchô...
Môsz czym zajac ręce prosto
(Kò to równak je robòta)
Tedë zdrów je pòrzknać głosno
Cobë z cała chërë nëkac...
Lepi widzysz, słëch òstrzészi
Pò zażëcym tegò proszkù
Miészki òd tegò kask zmiarcësz
(Co to je, to pôrã groszów...)
Jedna fela mô tōbaka:
Wiedno jes ùzubòtóny!
Lica dzëwé jak Czubaka
Kòszla mùszki bęc wëprónô...
Pò sąsedzkù straszisz dzecë
Mùnią górnikà pò szëchce
Brifce strach je przëwiezc lëstë
A pies mòrdë lizac nie chce...
(...)

Žažij, spróbùj, czej jes ùstny

Bò tradicjô je tradicją

Nie zabôczë w grochë chùstczy

A stolëmno pò tim czichnąc...

(Le nogówczi so zarzeszë,

Cobë pò tim wiôldzim drénie

Wszëtkò twòje òsta przë ce

A sromòta bòkã minie...)

Tómk Fópka, Chwaszczëno, 17 lëpińca 2025 rokù, gòdz. 9.29 d.p.